

佛說方等泥洹經

下

二百七十八
卷四

49535



佛日塔樓
鑄念
山坊州天安寺法金剛院置
輪常轉
寶
重



佛說方等泥洹經卷下四

新為失譯附東晉錄

澄

彼時佛語賢者阿難俱之拘夷邑已樂波旬
歷城中度行半道所佛疾生身背痛止樹下
坐勅賢者阿難持鉢到拘匱河取水則受教
行是時五百乘車厲度上流水濁未清阿難
行取水還住白佛言向群車過水水濁未清
適可澡洗有熙連河去此不遠請取可飲佛
取鉢水澡面洗足於是忍疾又得間時諸
華大臣字福芻行遙見佛諸根寂默得上調
意之滅淨具顏色明好心歡喜前禮佛揖讓
畢一面住佛問福芻汝於何得法喜對曰由

於比丘力藍昔我行道見力藍坐樹下是時
道上五百乘車過有人後到下車問比丘見
前群車荅言不見又曰寧聞車聲荅言不聞
曰時卧耶言我不卧自思道耳其人歎言車
聲啾啾覺而不聞用心何專難有乃尔五百
車聲尚且不聞豈他聞哉即施之以一染布
衣我時聞此甚嘉其志遂得法喜至于今日
佛問福芻汝知雷電霹靂孰與五百車聲對
曰正使千車疾馳同響猶不能聳佛言曩昔
一時吾遊阿沉其日晡時天暴雨震電霹
靂煞四特牛耕者兄弟二人世尊獨不聞乎
吾言我定意覺彷彿經行一人來稽首作禮

隨我而步吾問是何忿忿其人言向者霹靂
煞四持牛耕者兄弟二人世尊獨不聞乎吾
言不聞曰時卧耶荅言不卧自三昧耳其人
亦歎言希聞得定如佛者也夫名霹靂聲括
天地而得寂定不聞者哉其人心悅亦得法
喜福芻讚曰

遇哉覩佛者
令我獲法利

何人不得喜

福願與時會

佛荅頌曰

愛法者卧安

得喜志念清

真人所說法

賢者常樂行

法護行法者

如雨之潤生

於是大臣勅其僕歸取新織成黃金統繫手

奉獻曰知佛不用願哀納之佛受其繫焉說
法之正化若干要語福剎避坐言從今日始
身自歸佛身歸道法自歸聖衆受清信戒身
不煞不妄取不媻媻不欺僞不飲酒不噉肉
無有犯國事多故當還請辭即稽首佛足遶三
匝而去佛勅賢者阿難取福剎黃金織成繫
來受教奉進佛取被身阿難見佛光顏從容
舒懌明好殊紫金色長跪白言自我得侍二
十餘年不識有如今日佛面光潤顏色發明
願聞其意佛言阿難有二因緣佛色發明何
等二謂初夜得佛無上正真之道妙正覺時
及至終夜棄所受餘無爲之情取滅度時吾

今夜半當般泥洹故色發明阿難啼言何其
駛哉佛取泥洹何其疾哉世間眼滅

於是佛語賢者阿難至熙連河佛到河邊脫
衣入水秉手舉衣自澡洗身已乃度河於彼
岸住整衣服告阿難朝從弟子溥飯夜當滅
度汝解溥意佛從汝飯即夜滅度天下有二
難得值若得遭值面供養者既解疑畏且有
正報何等二一為若施飯食令彼得以食之
氣力成無上正真為至聖佛二為若施飯食
令彼得以食之氣力棄所受餘無為之情而
滅度者今溥飯佛當得長壽得無欲得大富
得極貴得官屬終生天上獲此五福語溥勿

憂宜用歡喜汝一飯佛而獲多報當知佛者
不可不敬經法不可不學聖衆不可不事阿
難白佛如慳比丘性弊戾急好罵數說佛涅
洹後當如之何佛語阿難我涅洹後爲慳比
丘作梵檀罰令衆默屏莫復與語彼當爲慳
而自改悔

彼時佛勅賢者阿難施牀枕我背疾即施牀
枕佛偃右脅屈膝累脚卧思至真正智之道
於是佛語賢者阿難今說七覺意阿難言唯
昔從佛聞一志念之覺佛用自覺成無比聖
猗無爲止不媯捨分散意二法解之覺佛用
自覺成無比聖猗無爲止不媯捨分散意三

精進之覺佛用自覺成無比聖猗無為止不
媿捨分散意四愛喜之覺佛用七覺成無比
聖猗無為止不媿捨分散意五一向之覺佛
用自覺成無比聖猗無為止不媿捨分散意
六惟定之覺佛用自覺成無比聖猗無為止
不媿捨分散意七行護之覺佛用自覺成無
比聖猗無為止不媿捨分散意佛言阿難已
能言之宜必精進對曰唯能言者當精進如
是阿難伽行者得道疾佛起基坐思惟法意
有比丘說頌曰
甘露化從佛出
疾如聽弟子陳
教以此勸後學
七覺妙宜咨賢

由佛興使我得
學當知正志念
一向專護定意
有疾者宜聞斯
是疾者為法王
彼猶尚請聆法

勝上首明弟子
在聖哲猶不厭
若過時聞道備
如彼為非愛喜
愛喜者一向法
已正止無聞想

清白行無玷缺
愛喜法精進入
如法解為淨智
覺微想除邪思
道寶出自此原
況凡夫而替聞
來問疾務聽真
何況餘欲廢聞
起他想心永異
佛之教無雜思
為無為心行寂
是名為法解覺

衆行滅智已溥

自歸此三世尊

願一切人天神

共學慈大道真

今聖師滅度後

衆賢必紹教明

尊時講誦法言

願神骨助化行

彼時佛勅賢者阿難汝於蘇連雙樹間施繩
牀令北首我夜半當滅度受教即施還白已

具佛到雙樹就繩牀側右脅而卧阿難在牀
後垂頭啼忼愴言一何駛哉佛取淚洎一何
疾哉世間眼滅我諸同志從四方來欲見佛
者望絕已矣佛難復覩難復得侍來而不見
皆當悲慕予何心哉佛問比丘阿難胡爲對
曰在後悲泣佛謂阿難汝莫啼也何則自汝

侍佛已來身行常慈口行亦慈心行亦慈恕
以施安念慮詳審有心於佛雖彼往昔過佛
侍者爲最供養不得踰汝亦彼當來及現在
佛之有侍者盡心供養不得踰汝何者汝達
於佛而知宜適若衆比丘每詣佛時可通見
者常得時宜若比丘及清信士清信女輩
每詣佛時可通見者常得時宜每衆異學及
諸梵志居士之輩來詣請現可通見者常得
時宜佛告諸比丘天下極貴轉輪聖王有四
難及自然之德何等四若其屬國諸刹利王
來親詣朝覲者聖王歡喜現爲說法皆樂聽
受遵承奉行是一德也若諸奉道梵志之輩

來親詣朝覲者歡喜引現爲之說法皆樂聽
受遵承奉行是二德也若諸理家居士之輩
來親詣朝覲者歡喜引現爲之說法皆樂聽
受遵承奉行是三德也若彼儒林異學之徒
來親詣朝覲者聖王輒現爲之說法皆樂聽
受遵承奉行是四德也

又此比丘賢者阿難亦有四美難及之德何
等四若諸比丘詣阿難所即歡喜與相見爲
說經法無不開解樂受奉行諸比丘尼諸清
信士諸清信女詣阿難所即歡喜與相見爲
說經法無不開解樂受奉行是其第一四德
復有四賢者阿難爲諸比丘比丘尼諸清信

士諸清信女說經法時心端言正無有二意
聞者恭肅寂然聽受以寂靜故阿難博識無
所忘忽是其第二四德復有四若諸比丘諸
比丘及諸清信士諸清信女有不解經及法
律義以問阿難阿難即分別說皆得解釋出
後無不譽阿難者是其第三四德復有四佛
所等說十二部經賢者阿難皆諷誦念識傳
爲四輩弟子說如所聞無所增減亦未曾倦
是爲阿難第四四德爲難可及世間無比是
時有化比丘當佛前住佛言比丘避莫當吾
前賢者阿難白佛言我得奉侍二十五載不
自識有如此比丘無所關啓而直前者佛言

阿難是化比丘又若干劫爲大遵天致神妙
有威德憂畏已除知佛期在夜半所以來者
自今已後永不見佛故阿難言獨是天知佛
當滅度耶佛言從拘夷城東西南北縱廣四
百八十里諸天測塞無空缺處皆憂歎騷擾
不安其心念言佛滅度疾

賢者阿難問佛言近此左右有聞物大國王
舍大國滿羅大國維耶大國佛不於彼般泥
洹何止於此褊陋小城佛言阿難無謂此小
爲褊陋也所以者何古者是國名拘那越大
王之都城長四百八十里廣二百八十里嚴
好如畫城垣七重下基四層起高八尋上廣

三尋皆作黃金白銀水精琉璃四寶瓦整其
壁牒尉彫文剋鏤地集翫玃及民室屋皆四
寶成俠道自生長多鄰樹樹亦四寶其金樹
者銀葉華實其銀樹者金葉華實水精琉璃
樹亦如是微風動樹常出五音其聲軟悲如
五絃琴樹間浴池池邊集塹步渚相承中四
寶臺臺陞欄楯屋壁牀机一切四寶池中常
有雜種蓮華青蓮漚鉢紫蓮拘恬黃蓮文那
紅蓮芙蓉四顧成行其邊道上又有七種奇
華香氣馥芬冬夏常生五色光明其國常聞
十二種聲象聲馬聲牛聲車聲螺聲鍾聲鼓
聲貝聲儻聲歌聲諸絃樂聲誦仁義聲時有

轉輪聖王名大快見王四天下以正法治自
然七寶一金輪寶二白象寶三紺馬寶四神
珠寶五玉女寶六理家寶七聖道寶王有四
神德爲童孺時八萬四千歲爲太子時八萬
四千歲爲轉輪王八萬四千歲退服法衣八
萬四千歲允壽三十三萬六千歲是其一神
德也王能飛行遊四天下七寶導從所至臣
屬是其二神德也端正美色強健少疾身中
和適不寒不熱是其三神德也威神殊勝心
常和悅明見正道以法化民是其四神德也
王每出遊布施興福恣人所欲求漿與漿求
食與食衣被車馬華香錢寶不逆人意慈於

民物如父愛子士民慕王如子仰父王每出
遊勅御徐行使國士民久得視見體性淳仁
四方太平又是其至德也所部諸國凡八萬
四千小王每朝覲時王大快見皆請上殿歡
喜安慰爲說正法問國所乏諸王荅讓受天
重賜自足爲樂王又勅使各嚴所治令如我
殿以正法化勿枉天民輒賜諸王衣冠履襪
車輦寶物受詔辭出莫不歡喜是時大王所
治法殿長四十里層階四重悉黃金白銀水
精琉璃屋壁欄楯柱梁楣櫨粉棹棟宇其上
覆及下地牀坐机筵皆是四寶又法殿上有
八萬四千交露舉棚悉施斗帳金交露棚前

施銀墜銀棚金墜水精琉璃棚墜亦然其交
露間垂華懸果四寶雜廁所覆帳上金銀織
成赤罽文繡綾綺雜色四角珊瑚交露中施
四寶獨坐其殿四面浴池各縱廣一由延俠
池生多鄰樹八萬四千株長一由延諸交露
棚大王出者即以駕象彼時快見以其所有
施福其衆日且常請沙門梵志上殿飯食王
自思念日月流逝而吾將老當用是五所欲
寶館作等欲自挹損修清淨行即但與一侍
士俱升法殿入金交露坐銀御牀思惟天下
貪媮無竒生者要死形骸歸土所有萬物一
切無常王起入銀交露坐金御牀念合會者

皆當別離戀慕無益當棄恩愛淨修梵行已
又起入水精交露坐琉璃牀自念當與老病
死競改心易行除媿怒癡思無為道已又起
入琉璃交露坐水精牀專自精思當棄世間
貪欲惡法思無為道守惟清淨成一禪行如
是至久周遍諸棚於是人萬四千玉女共白
第一玉女寶言天后所知我等聞者未復親
侍守情執敬願欲朝見荅言諸娣還自嚴飾
當俱朝見即告聖導我等婦女久未親侍敬
仰之心皆欲朝見導臣即駕八萬四千象犀
甲金飾絡用寶珠白象王朱鬣尾為第一八
萬四千馬犀甲金飾絡用寶珠力馬王紺青

身朱鬘尾爲第一八萬四千車犀革之甲飾
用四寶聖導臣爲第一八萬四千女女載一
車玉女寶爲第一諸玉女導從詣法殿下侍
士白言諸象馬車夫人小王皆來欲見王勅
侍士施牀殿下王下法殿見八萬四千女服
飾靡麗時民歎曰是難信也王者嚴女乃至
於此玉女對曰我等久違不得親侍故嚴服
來願得朝見

於是王坐諸女皆前稽首畢一面坐玉女寶
首白言今是一切諸象馬車玉女小王自天
所有願小願意留心娛志又八萬四千國天
王都爲第一八萬四千棚大正棚爲第一願

天留意以養性命王荅曰娣吾所以夙夜
已自損正心行慈者但欲遠離此貪欲耳何
則女人嫉妬之態殃及吾身是以捨欲願離
斯各王女寶垂淚言天王何為獨割愛欲謂
我為娣離乖恩情絕群女望願聞天王所以
戒之正心行慈為之奈何我等亦願相率修
之王曰慈心正行不墮諸漏棄損貪欲修德
守靜念生日少而命逝疾人物輩非常唯道
為真吾是以於諸象馬輦棚郡國小王婦女
愛欲一切遠離不復繫意欲自愛身觀天地
間無生不終諸娣各宜正心行慈無以放恣
墮諸漏也王女寶乃拭淚言今天王約已自

損不欲墮漏念生日少而命逝疾潛居憂身
守修清淨計諸人物無生不終遠遠所有不
以汗意願奉明戒不敢有忘王以慈心荅謝
諸女皆遣去還升法殿入金交露坐念慈心
都忘怨恨無所嫉惡進思大道無量德行普
慈世間而自約省己復起入銀交露棚坐念
悲心都忘怨恨無所嫉惡進思大道無量德
行普悲世間而自約省己復起入水精交露
坐念喜心都忘怨恨無所嫉惡進思大道無
量德行普和世間而自約省己復起入琉璃
交露坐念護心都忘怨恨無所嫉惡進思大
道無量德行一切欲護而自約省己惟行此

四大梵行却愛欲意多修清淨王行如是便
得自在死時安隱身無痛痒譬如力士美飯
一食之頃魂神逝生第七梵天時轉輪王大
快見者則故世我身也如是阿難誰能知此
昔我宿命作轉輪王自然七寶行正法有四
德常能不貪彼時拘夷城傍行四百八十里
皆在天王城中吾前是時又爲刹利王已六
投骨於此地中并彼爲七今得作佛已斷生
死從是已後不復造身我亦一切皆已周竟
現於東方南方西方北方隨方教化三月輒
移終曆骨此

賢者阿難白佛言佛滅度後當作何葬佛言

汝默梵志居士自樂爲之。又問梵志居士爲
墓法當云何。佛言當如轉輪王法。用新劫波
錦纏身體。已以五百張氎次如纏之內。身金
棺灌以麻油。澤膏畢。舉金棺置於第二大鐵
槲中。衆香積上。而闍維之。訖。鍛舍利於四衢
道。立塔起廟。表刹懸繒。奉施華香。拜謁禮事。
是爲轉輪王之墓法也。佛勅阿難。汝行入城
告諸華氏。佛中夜當滅度。所欲施作。當晏時
爲無從。後悔欲面從佛。得開解者。宜及是時
即受教。行入拘夷城。見五百諸華氏。慕會議
語。阿難報諸尊者。佛夜半當滅度。所欲施作
當晏時爲無從。後悔欲面從佛。得開解者。宜

及時行衆人皆驚而悲歎言何期太駛佛泥
洄何期太疾世間眼滅哀慟之聲聞于宮中
王遣太子并諸華氏各將家屬俱詣雙樹到
白阿難欲前禮問阿難入啓太子阿晨與諸
豪姓家屬俱來受三自歸不遠是夜佛請入
即皆前誓首畢一面坐太子言佛身滅度何
其大疾佛報言吾本已說世間非真無可樂
者凡人貪壽思戀五欲惑而無利但增生死
更苦無量今我爲佛以得自然無欲於此又
宜自勉天下智者常願見佛樂聞經法已有
是意當務立信立戒布施多聞廣學智慧建
此五志以離垢慳然則世世受富貴名譽遠

聞生天安樂可得泥洹佛說已太子及諸華
氏皆作禮去於是王與國中男女大小十四
萬衆以人定時出詣雙樹到白阿難請見受
誨前啓佛請入王將國中賢善者進稽首畢
一面坐前無燈火佛放頂光照二千里佛言
勞苦大王與群臣來王曰佛當滅度有何勅
人誠佛報王自我得佛四十九歲所說經戒一
切具悉王國賢才皆已採取王與群臣慘然
皆悲佛告王自古已來天神人物無生不死
死而不滅唯泥洹快王胡爲帝但當念善改
往修來以政治國無加卒暴厚待賢良赦宥
小過務行四意以綏衆心何等四一當布施

給護不足二當仁愛視民如子三當利人化
以善政四當同利與下共歡王如是者常得
其福我宿命時行此四恩積無數世故得作
佛初得佛已見泥洹喜自說頌曰

今覺佛極尊

捨姪淨無漏

智爲天人導

從者得喜豫

夫福報至快

妙願志皆成

勇疾得上脫

吾將逝泥洹

王與來者皆起禮佛遶三匝而去

是時城中有老異學年百二十名曰須跋聞
佛夜半當取滅度自念吾有法望之疑常願
瞿曇一解我意當及是時即起自力行到雙
樹白阿難言吾聞瞿曇期在夜半請見決疑

阿難言止止須跋無擾佛也須跋固請至再
三曰吾聞佛為如來至真正諦覺明行成已
善逝世間解無上士導法御天人師号佛眾
祐甚難遭值如漚曇華百千萬世時時一有
願一見拚所疑阿難以為勞擾如來故不欲
通佛神心徹聽清淨過人從裏知之即勅阿
難勿禁止聽使入是為最後當度異學須跋
者也須跋得入忻然悅豫善心生焉見佛歡
喜禮問恭辭氣重揖讓畢一面任白佛言欲
有所問豈有閑暇一決其疑佛言便問恣汝
所欲聞可得解須跋問曰今世學者各自稱
師有古龜氏有無失氏有志行氏有白鷺子

氏有延壽氏有計金樊氏有多積願氏有尼
捷子彼八子者有所述乎自知之也佛告須
跋彼與佛異子曹自作貪生猗想以邪之道
一曰邪見不知今世後世所作自得好以上
占享祀求福二曰邪思念在愛欲有諍怒心
三曰邪言虛偽諂諛佞讒綺語四曰邪行煞
生貪取有姪姝意五曰邪命求利衣食不以
正道六曰邪治惡不能止善不能行七曰邪
志志貪常樂痛身謂淨八曰邪定專意所望
不見出要如是須跋昔我出家十有二年道
成得佛開說經法經五十載自從捨家有戒
有定有慧有解得度知見說正道者唯佛沙

門非凡異也。吾本所履有八真道。第一沙門
亦從是得。二三至四皆從是成。若不見此八
真道者。彼爲不得。沙門四道。所謂八真道者。
福爲正見。見今世後世作善有福。爲惡得殃。
知苦知習滅行。得道二爲正思。思樂出家去。
諍怒心三爲正言。言諦至誠。柔軟忠信。四爲
正行。不煞不邪。無有婬心。五爲正命。求利衣
食。以道不邪。六爲正治。抑制惡行。發起善意。
七爲正志。志惟四觀。身痛意法。解非常苦。非
身非淨。八爲正定。一向無爲。成四禪行。沙門
梵志履此八正。乃成四道。能師子吼我賢弟。
子行無放逸。世間意滅。故得羅漢。於是須臾。

謂阿難言快哉賢者是利弘美實未嘗有盡
上弟子得值此者不亦妙乎今受聖恩乃聞
是法願得捨家受成就戒阿難白佛異學須
跋願受衆祐自然法律捨家就戒沙門之行
佛以可其就戒之志曰是吾末後得證見淨
者異學須跋也即授戒爲比丘一心受不放
逸以健制以志惟以斷却如所欲下鬚髮被
袈裟以家之信離家爲道得法意具淨行自
知作證成解究暢爲行如應己意通知賢者
須跋已度世得應真坐自念吾不能待佛般
泥洹便先滅度而佛後焉

彼時佛告諸比丘我滅度後儻有如此外學

他術在異生輩欲棄束髮來踐法者沐浴清
化捨家就戒當聽可彼以爲沙門何則用彼
有大意故當先試之三月知能自損用心與
不若言行相應者爲能捨罪先授十戒三年
無失乃與二百五十戒其十戒爲本二百四
十戒爲禮節威儀能行此者諸天代喜又凡
惴望受律就戒作沙門者有四因緣皆有慕
樂近道之意我滅度後或離縣官求作沙門
或年老耆求作沙門或貧困劣求作沙門或
習正行求作沙門若夫賢才習正者老貧困
及離縣官來爲道者其於衣食趣得而已受
誦法言如有梵行可得久住猶爲從是令多

人安多人得度。世間得依利諸天人。是故曰
從法者現世得安。現世得解。當善諦受。彼為
何法令。現世安得解度者。謂佛所說十二部
經。一文二歌。三記四頌。五譬喻。六本紀。七事
解。八生傳。九廣博。十自然。十一道行。十二兩
現。是名為法。若以奉持護如法者。即現世安
可得解度。但當諦受護持。諷誦正心思惟。令
清淨道。得以久住。汝諸弟子。當自勗勉。無以
懈慢。謂佛已去。莫可歸也。必承法教。常用半
月望晦。講戒六齋之日。高座誦經。歸心於經。
令如佛在。又族姓子。族姓女。所當追念。為有
四事。一曰佛為菩薩。初下生時。二曰佛始得

道妙正覺時三曰上頭說經轉法輪時四曰
棄所受餘無爲之情般泥洹時當論思此念
佛生時福德如是佛得道時神力如是轉法
輪時度人如是將滅度時道法如是次中末
時有思念此起意行者皆生天上若以受此
而有疑望非意在佛及法聖衆苦習盡道汝
諸比丘當解所問令如我在爲以是語面所
問佛亦真弟子自所問吾及從我解說之賢
者阿難在後扇佛應曰唯諾皆已願樂無一
比丘有疑非意於佛法衆四諦者也佛語阿
難其已願樂如來正化於佛法衆苦習盡道
無所疑者當棄貪欲慢悞之心遵承佛教以

精進受嘿惟道行是爲最後佛之遺令必共
順之汝諸比丘觀佛儀容難復得覩却後一
億四千餘歲乃當復有弥勒佛耳難常遇也
天下有漚曇鉢不華而實若其生華則世有
佛佛爲世間日恒憂除衆冥自我爲聖師年
至七十九所應作者亦已究暢汝其勉之夜
已半矣

於是佛作一禪定思惟通第一禪又起二禪
定思惟通第二禪又起三禪定思惟通第三
禪又起四禪定思惟通第四禪又起空無際
定思惟通空無際又起識無量定思惟通識
無量又起無所用定思惟通無所用又起不

想入定思惟通不想入又起想知滅定思惟
通想知滅是時阿難問阿那律佛已滅度耶
荅言未也佛方思念想知滅定思惟阿難言
昔聞佛說從四禪思惟至於無知棄所受餘
無爲之情乃般泥洹時佛捨想知滅還思不
想入捨不想入思無所用捨無所用思識無
量捨識無量思空無際捨空無際思第四禪
捨於四禪思第三禪捨於三禪思第二禪捨
於二禪思第一禪從一禪思復至三禪便從
四禪反於無知棄所受餘泥洹之情便般泥
洹當此之時地大震動諸天龍神測塞空中
散華如雨莫不歎慕而來供養時第二天帝

釋下說頌曰

陰行無有常

但為興衰法

生者無不死

佛滅之為樂

第七梵天下說頌曰

妙哉佛已棄

一切世間猗

廣遺清淨教

三界中無比

神真力無畏

光明滅於茲

賢者阿那律說頌曰

佛已無為住

不用出入息

本由自然來

靈耀於是沒

意淨無所著

為人受斯疾

施慧教已遍

乃退歸寂滅

惟茲遇佛者

莫不蒙恩澤

今已淪清虛

永兮時復出

是時諸比丘皆騷擾徘徊呼言駛哉佛般泥

洎一何疾哉。世間眼滅中有憂歎自悲念世
間苦不得是道中有尸視惟心倚有從因緣
起以作復作受非常苦生輒有死死則復生
生死往來精神不滅莫致是處賢者阿那律
言止止阿難曉衆比丘上天見此以爲荒迷
安有捨家入自然律而不能用法利自解阿
難拭淚而問上有幾天。答曰從威耶越至漚
荼廟及熙連河四百八十里。諸天充滿無有
空缺徘徊騷擾皆言駛哉。佛般泥洹亦大疾
哉。世間眼滅中有憂歎自悲念世間苦貪欲
所蔽不見斯道。或相曉言佛說生死本從緣
起。意作復作受非常苦。生輒有死死則復生。

識隨行走莫知。淚洹佛已度世。宜各精進。夜
至過半。阿那律令阿難入告城中佛已滅度。
所欲施作。宜及時爲阿難入告城中諸華氏。
聞之莫不驚愕。踊躄悲言。何其駛乎。佛般泥
洹。何其疾乎。世間眼滅。舉城中相會聚奉持。
華香。詣佛舍利。瞽首作禮承事。供養共問阿
難。葬法云何。荅如教說。轉輪王法佛當復勝。
諸豪姓言。寧可假期七日。欲奉伎樂華香燈
燭。展我曹心。阿難荅言。恣聽所欲。諸華氏即
共作黃金嬰。黃金輦。床黃金棺。爲鐵槨。具新
劫波錦五百張。氎是時四面人衆周滿。四百
八十里中。皆賣伎樂華香。來詣雙樹。共舉佛

身置黃金牀上而以伎樂禮事供養

於是諸華氏選衆童男使扶持舉牀欲至漚
荼神地如闍維之而諸童子不能得前近佛
舉牀又復更進至于再三了不得持賢者阿
那律語阿難言所以不得舉佛牀者是諸天
意欲使諸華氏童子倚牀左面諸天左右面國
人隨後共舉牀入東城門過往城中施天樂
供養訖出西城門置漚荼地累積衆香乃闍
維之阿難言諾敬如天願以告諸華氏皆曰
敬從即使諸僮左面屬若干種繒繫牀左角
天於右面屬諸天繒繫牀右角而縛維之餘
無數天於虛空中散天雜華而雨澤香是時

婆賢大目與拘夷大目議欲以人樂讚紹天
樂俱送舍利即如所議徐行入東城門周遍
地中四衢道里巷處處住施華香伎樂出西
城門到漚荼地持劫波錦纏佛身體五百張
疊次纏千過麻油澤膏灌滿金棺已內佛身
舉黃金棺置鐵槲中庫藏既殯積衆香畢漚
蘓大目執火而欲然佛積火至輒滅三進不
然賢者阿那律語阿難言火所以不然者是
諸天意見大迦葉將五百衆從波旬來已在
半道欲面禮佛故使火不然耳阿難言諾敬
如天願是時有異道士名阿夷維見佛滅度
得天曼那羅華去至半道迦葉見之就車問

予知我所事聖師佛乎即荅言我舉知之般
泥洹已七日天人普會供養其身吾從彼來
得此天華於是迦葉悵然不樂五百比丘中
有徘徊騷擾仰天呼怨佛般泥洹其何一疾
世間眼滅中有憂歎悲傷念世間苦爲恩愛
縛不見斯道迦葉曉言諸賢者釋憂當知有
身皆從緣起心作復作致非常苦生者輒死
死則有生五道無安唯泥洹樂未得道者當
求法利捨有爲無所會則得矣攝衣疾行可
見佛身其衆中有名桓頭者亦釋家子與佛
同出止諸比丘言何爲復憂我曹從今已得
自在彼老常言當應行是不應行是今彼長

逝不甚佳耶迦葉不悅行到雙樹至觀佛積
謂阿難言及未闍維請見佛身阿難對曰佛
身已纏淹用麻油藏在金棺外積衆香巾灌
澤膏雖未闍維固已難見迦葉請至三阿難
荅如初以為佛身難復得見於是佛屍從重
棺裏雙出兩足一切見者莫不歡喜迦葉誓
首作禮見佛足出而有異色仰問阿難佛身
金色是何故異

阿難荅言有羸老母誓首佛足墮淚其上故
異色耳大迦葉又不悅乃喟然讚頌曰

彼為滅不生 不復受老死 亦為不復會
無有相逢憎 本已捨恩愛 不為別離憂

當為求方便

令致得是處

佛為五陰淨

已斷不復有

亦又不為為

有受是五陰

苦為已畢盡

有本亦已除

當勤求方便

今得如是安

佛已斷世間

愛欲一切解

亦為悉能忍

得離諸患難

為已自安隱

亦致天下安

當為誓首是

永得度三惡

佛所說經戒

為世間最明

已廣現正續

審諦無所疑

亦遍活天下

令得度老死

諸得值佛者

誰不受弘恩

譬月照於夜

為除陰冥闇

如日照於晝

能使天下明

亦如電光現

為暫照厚雲

佛明一時出

都已明三界

一切所名河

無過崑崙河

一切名大水

亦為無過海

一切星宿中

月為第一明

佛為世間導

天上天下尊

佛所以度世

福施已周匝

所說教誠行

在在悉分明

亦以法流布

弟子樂受行

令天人鬼神

龍敬承行禮

迦葉說已誓首佛足遶積三匝

却住一面諸

比丘比丘尼清信士清信女天龍鬼神王天

樂神質諒神金翅鳥神愛欲神蚘軀神各前

誓首佛足遶積三匝一面住畢於是佛積不

燒自然賢者阿難時說頌曰

佛以中外淨

為梵世之身

本乘精神下

而今錯於是

錦纏疊千過

不用衣者軀

亦不以浣濯。如一淨鮮明。

至終其夜佛積燒盡自然生四樹蘇禪尼樹
迦維屠樹阿世鞞樹尼拘類樹國諸豪姓共
檢佛骨盛滿黃金罌置于輦牀舉入城中著
大殿上共作伎樂散華燒香禮事供養時波
旬國諸華氏可樂國諸拘鄰有衡國諸滿離
神州國諸梵志維耶國諸離捷聞佛止雙樹
般泥洹各嚴四種兵馬兵車兵步兵到
拘夷止城外遣使者言聞佛衆祐止此滅度
彼亦我師敬慕之心並來從君請佛骨分欲
還本土立起塔廟拘夷王言佛自來此我當
供養遠苦諸君舍利分不可得亦澤國諸釋

氏亦嚴四兵來到報言聞佛衆祐止此滅度
是釋聖雄出自我親實我諸父敬慕之心來
請骨分還立塔廟王荅如初不肯與分摩竭
王阿闍世又嚴四兵度河津來使梵志毛麀
入問消息致慇懃言吾夙夜信心友汝無
取無諍今佛衆祐止此滅度是三界尊實我
所天敬慕之心來請骨分汝其與我則我與
汝所有重寶願終共之王荅曰佛自來此我
當供養謝汝大王舍利分不可得也於是毛
麀聚衆人作頌告言

今各選躬

遠來拜首

謙遜求分

如我不與

舉止動衆

四兵在此

義言不用
必命相拯

拘夷國人亦答頌曰

遠勞諸君

辱屈拜手

佛來遺形

不敢相許

如欲舉衆

吾斯亦有

俱命相拯

則未爲怨

梵志毛麀曉衆人言諸君皆夙夜承佛嚴教

日誦法言服仁化一切衆生尚念欲安且

佛大慈故燒形遺骨欲廣祐天下何宜當爲

毀本慧意舍利現在但當分耳衆咸稱善皆

詣舍利耆首畢一面住乃共使毛麀分之於

是毛麀持一鬣受石許蜜塗其裏分爲八分

已白衆言吾既敬佛亦嘉衆意願得著鬣舍

利歸起塔廟皆言智哉是為知時即共聽與
又有梵志名温違白衆人言竊慕善意乞地
焦炭歸起塔廟皆言與之後有衡國異道士
求得地灰於時八國得佛八分舍利各還起
塔皆甚嚴好梵志毛履種邑道人大温違還
俾賁迨衡國道士得地灰歸皆起塔廟舍利
八分有八塔第九嬰塔第十炭塔第十一灰
塔佛從四月八日生四月八日捨家出四月
八日得佛道四月八日般泥洹皆以沸星出
時此時百草華英樹木繁盛佛已般泥洹天
下光明滅十方諸天神莫不自歸佛
既分舍利又為遠方諸四輩弟子未悉聞故

留九十日乃起塔廟諸來國王豪姓人民家
屬僕從皆齋戒九十日在所遠方四輩弟子
衆普會拘夷共問阿難於何起塔阿難荅言
當出去城四十里於衛致鄉四衢道中作塔
廟拘夷豪姓共作甃瓦石墜縱廣三尺集用
作塔高及縱廣皆丈五尺藏黃金甕舍利於
其中置立長表法輪棚蓋懸繒然燈華香伎
樂禮事供養舉國人民得共興福大迦葉阿
那律衆比丘會共議一日三十萬衆及諸國
豪姓群臣得值佛時敬意行福終皆當生第
四天上與弥勒會而得解脫拘夷國王當生
第十二水音天上至弥勒作佛時當下爲佛

造立精舍勝今給孤獨園阿難問大迦葉拘
夷王何以不於弥勒佛求應真道荅言是王
未厭生死苦故未厭苦者不得應真阿難言
我已患厭身苦不得離世間奚不得道迦葉
荅言汝但持戒不行身觀坐猗生死飯食想
而生死行未休故也至九十日大迦葉阿那
律衆比丘會共議佛十二部經有四阿含獨
阿難侍佛久佛之所說阿難悉諷當從書受
恐其未得道尚有貪心欲持舊事詰責阿難
與設高座三上三下如是者可得誠實皆言
大善衆會坐定直事比丘逐阿難出須臾又
請阿難入禮衆僧未得道者皆爲之起直事

比丘處著中央高座於是讓言此非阿難座
衆比丘言用佛經故處汝高座欲有所問阿
難就座衆僧問曰汝有大過寧自知不昔者
佛言閻浮提樂汝奚不對直事比丘勅阿難
下即下對言佛爲不得自在當須我言耶衆
僧默然直事比丘又令阿難上衆復問曰佛
爲汝說得四神足者可止一劫有餘汝何以默
阿難下言佛說弥勒當下作佛始入法者應
從彼成就設自留者如弥勒何僧又默然阿
難心怖衆比丘言賢者當如法意具說佛經
對曰唯然如是三上阿難最後上言聞如是
一時座中未得道者皆垂泣言佛適說經今

何以疾大迦葉即選衆中四十應真從阿難
受得四阿鎗一中阿鎗二長阿鎗三增一阿
鎗四雜阿鎗此四文者一爲貪婬作二爲喜
怒作三爲愚癡作四爲不孝不師作四阿鎗
文各六十疋素衆比丘言用寫此四文當興
行於天下故佛闍維處自生四樹遂相檢斂
分別書佛十二部經
戒律法具其在千歲中持佛經戒者後皆會
生弥勒佛所當從彼解度生死漏

佛說涅槃經卷下四

澄

腴美

上他
典反

攷

音

匱遺

求位
止正

剎

居例
反

暨

其器 曩昔 上乃 彷彿 上步 忙反 忿忿 七人

括反古活 允統 非度外反上 繫 從容 容反七 舒懌

亦下音 延 反觸延 弊悞 正乍廢反 猗 於離反 仇 力音

默屏 餅下音 玷 點音 聆 靈音 忼愾 二何朗反 騷擾 蘇上

反刀 掃陋 免上必 城垣 一下音 園 牒尉 作上 刻鏤 音上

音 瓦 葫 胡上音 潘 擊 擊 正 俠 正 濡

欸 弦琴 上作正 陞 蒲未 攔楫 上音 蘭下 漚 烏仿

拘恬 徒上音 俱下 馥芬 伏上音 盞 字螺 貝 反博 阿鈴

合下音 車 畢 下 余預 楣櫨 上音 眉 粉 檯 上音 枋

棚 反步 葫 盞橙 同者整反 厠 反初 使 館 貫音 挹損 音上

色 形骸 皆下戶 娣 弟音 犀 西音 蠟 蠟 古良 輒 反上 娛 音

技 浹 粉上 反云 潛 反在 瘁 養音 錯 正七 作故 反 擲 郭音 赦宥

形骸皆反 娣弟 犀西 駢鬚古下今 如愚

技浹粉上 反 潜反 在盐 痒音 错正七故反 柳音 郭音 赦宥

下音 閑暇 下音 享祀 上音 虚 諛諂 上音 佞 護

定反 下 踐踏音 賤 昂勉 曲上 許 唯諾 上音 于 癸 反 驚

悞 各反 吾 金嬰 耕反 衡 反 庚 淹 反 盐 噴 喟 位 苦

反 又 苦 性 翅 施 反 智 今 错 下音 浣濯 上音 胡 管 反

鞮 反 丁 号 共 檢 作 或 舉 預 音 俾 賁 下音 焚 肥 反 义

居自 縛 大方物反 方等 泥洹 經卷下 然

